



## XALQ DEPUTATLARI BUXORO VILOYATI KENGASHINING QARORI

2025-yil 23-iyul

VII-15-72-2-0-K/25

Buxoro viloyati

### **Buxoro viloyati hududida maishiy chiqindilarni to'plash va olib chiqib ketish hamda qabul qilish va saqlash bo'yicha xizmat ko'rsatish uchun majburiy to'lov tariflarini tartibga solish to'g'risida**

“Mahalliy davlat hokimiyati to'g'risida”gi O'zbekiston Respublikasi Qonuni 6, 24-moddalari, O'zbekiston Respublikasi Prezidentining 2020-yil 29-sentabrdagi “Maishiy va qurilish chiqindilari bilan bog'liq ishlarni boshqarish tizimini yanada takomillashtirish chora-tadbirlari to'g'risida”gi PQ-4845-son qarori 4-bandi, 2024-yil 4-yanvardagi “Chiqindilarni boshqarish tizimini takomillashtirish va ularning ekologik vaziyatga salbiy ta'sirini kamaytirish bo'yicha chora-tadbirlar to'g'risida”gi PF-5-sonli Farmoni, viloyat hokimligining 2025-yil 23-maydagi 3/1216-01-03-sonli xati, viloyat iqtisodiyot va moliya bosh boshqarmasining 2025-yil 5-maydagi (03/07-32/111, 03/07-32/112, 03/07-38/530, 03/07-38/531-sonli) xulosalari, Ekologiya, atrof-muhitni muhofaza qilish va iqlim o'zgarishi vazirligi huzuridagi Chiqindilarni boshqarish va sirkulyar iqtisodiyotni rivojlantirish agentligining 2025-yil 8-maydagi 03-/901-sonli xatiga asosan hamda hududlarning ekologik va sanitariya holatini yanada yaxshilash maqsadida xalq deputatlari viloyat Kengashi

### **QAROR QILADI:**

1. Chiqindilarni boshqarish va sirkulyar iqtisodiyotni rivojlantirish Agentligi viloyat boshqarmasi boshlig'i v.b. A.Mirzaraximovning Buxoro viloyati hududida maishiy chiqindilarni to'plash va olib chiqib ketish hamda qabul qilish va saqlash bo'yicha xizmat ko'rsatish uchun majburiy to'lov tariflari yuzasidan taqdimoti ma'lumot uchun qabul qilinsin.

2. Ekologiya, atrof-muhitni muhofaza qilish va iqlim o'zgarishi vazirligi huzuridagi Chiqindilarni boshqarish va sirkulyar iqtisodiyotni rivojlantirish agentligi hamda viloyat iqtisodiyot va moliya bosh boshqarmasining viloyat hududida maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflari yuzasidan berilgan takliflari inobatga olinsin.

3. Buxoro viloyati hududida maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflari miqdori ilovaga muvofiq tasdiqlansin.

4. Ekologiya, atrof-muhitni muhofaza qilish va iqlim o'zgarishi vazirligi huzuridagi "Chiqindi poligonlarini boshqarish direksiyasi" davlat muassasasi Buxoro viloyati hududiy boshqarmasi tomonidan hududiy poligonlarda maishiy chiqindilarni qabul qilish va saqlash bo'yicha to'lovlar quyidagi:

1 metr kub maishiy chiqindilarni qabul qilish va saqlash xizmati uchun 17 900 (o'n yetti ming to'qqiz yuz ) so'm (*QQS bilan birga*);

1 tonna maishiy chiqindilarni qabul qilish va saqlash xizmati uchun 40 300 (qirq ming uch yuz) so'm (*QQS bilan birga*) miqdorda belgilansin.

5. Viloyat ekologiya, atrof-muhitni muhofaza qilish va iqlim o'zgarishi boshqarmasi (J.Nosirov), viloyat sanitariya-epidemiologiya osoyishtaligi va jamoat salomatligi boshqarmasi (A.To'xtayev) shahar va tuman hokimliklari bilan birgalikda ekologik vaziyatni yaxshilash, chiqindilarning insonlar sog'lig'iga zararli ta'sirini oldini olish, tabiiy resurslardan oqilona foydalanish, sanitariya va ekologik holat sifatini oshirish choralari ko'rib borsin.

6. Chiqindilarni boshqarish va sirkulyar iqtisodiyotni rivojlantirish Agentligining viloyat boshqarmasi (A.Mirzaraximov) tuman va shahar hokimliklari hamda tegishli tashkilotlar bilan birgalikda:

bir oy muddatda hududlar, binolar va inshootlar ning qattiq maishiy chiqindilar bilan ifloslanishining oldini olish maqsadida jismoniy va yuridik shaxslarning talablarini o'rganib chiqib, qo'shimcha qattiq maishiy chiqindilarni to'plash va vaqtincha saqlash uchun mo'ljallangan maxsus chiqindi qutilari joylashtirilishini;

qattiq maishiy chiqindilarni to'plash va olib chiqish xizmatlari uchun aholi tomonidan majburiy to'lovlarni to'lash va hisobini yuritish ishlarini yagona elektron tizim orqali amalga oshirilishini;

O'zbekiston Respublikasi Prezidentining 2019-yil 17-apreldagi "2019-2028-yillar davrida O'zbekiston Respublikasida qattiq maishiy chiqindilar bilan bog'liq ishlarni amalga oshirish strategiyasini tasdiqlash to'g'risida"gi PQ-4291-son qarori ijrosini ta'minlash maqsadida Peshku tumani "O'g'lon" MFY hududidagi chiqindi poligoni o'rniga qattiq maishiy chiqindilarni qayta yuklash stansiyasi tashkil etilishini ta'minlasin.

7. Xalq deputatlari Buxoro viloyat Kengashining 2023-yil 14-dekabrda VI-88-95-2-0-K/23-sonli qarori hamda Buxoro viloyat hokimining 2024-yil 6-fevralda 62-2-0-Q/24-sonli qarori o'z kuchini yo'qotgan deb hisoblansin.

8. Mazkur qaror "Buxoronoma" va "Buxarskiy vestnik" gazetalarida e'lon qilinsin hamda viloyat hokimligining rasmiy veb-saytiga joylashtirilsin.

9. Ushbu qarorning bajarilishini nazorat qilish xalq deputatlari viloyat Kengashining Mahalliy budjet, tadbirkorlikni rivojlantirish va iqtisodiy islohotlar masalalari bo'yicha doimiy komissiyasi zimmasiga yuklatilsin.

10. Mazkur qaror 2025-yil 1-avgustdan e'tiboran kuchga kirishi belgilansin.

Kengash raisi



ASHUROV JAMOL  
RAJABBOYEVICH

Xalq deputatlari Buxoro viloyati  
Kengashining  
2025-yil 23-iyuldagi  
VII-15-72-2-0-K/25 -son qaroriga  
1-ilova

**Viloyat hududida maishiy chiqindilarni to'plash va olib chiqib ketish  
bo'yicha xizmat ko'rsatish uchun majburiy to'lov tariflari miqdori**

<b>№</b>	<b>Hudud</b>	<b>Xizmat turi</b>	<b>Joriy tarif miqdori</b> <i>(QOS bilan, so'mda)</i>	<b>Yangi tarif miqdori</b> <i>(QOS bilan, so'mda)</i>
1.	Shaharlar	Aholi uchun <i>(bir kishiga bir oyda)</i>	5 600	7 800
2.	Tumanlar		4 480	6 700
3.	Shaharlar	Yuridik korxonalar uchun <i>(bir metr kub)</i>	92 960	144 500
4.	Tumanlar		79 520	123 000